

عشق الموت

يا موت يا ساكن ف القبور

اصحي وفوق

يا روح وعائشة من غير جسد

صابرين وصبر والضحك موت

يا حزن ومليه الحسد

فارد شرع الحلم ويا المشنقة

يا بهية همي من السكوت

د بيته اصلا من خشب

يشبه ابيت العنكبوت

وروحى فوق قطبان حديد

متكففة

ملفوف عليها ألف خيط

يبقى السؤال

ليه التابوت ؟

صوت الرصاص فوق كل راس

يا بندقية اتكلمي

صوتك مهوَّاش اعلى صوت

أصل الهتاف

مايسكتوش مليون سلاح

الهتاف بيسكته صوت الأذان

صوت المدنا ويا الجرس

صوت المحبة والسلام

هتموتوا صوت ف الجسد

هتلاقوا غيره ألف صوت

أقم الصلاة وسط الميدان

يا أيها الصبر العليل

هل لسه قلبك فيه مكان

الليل طويل

والبرد حاضن ضلمته

وسط الزحام

يا شعب ساكن جوه عيني

من زمان

عاوزين تحسوا بالأمان

يبقي نموت

وساعتها بس

نقدر نفك كل الخيطان